

續修四庫全書

卷之四

《續修四庫全書》編纂委員會編

續修四庫全書

上海古籍出版社

三九八・史部・紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷二百七十五至卷三百十九) (清)慶桂等撰

226/pb

據清嘉慶十五年武英殿
刻本影印原書版框高二
二三毫米寬三三四毫米

欽定剿平三省邪匪方略八

〔清〕慶桂等撰

欽定剿平三省邪匪方略正編卷二百七十五

辛酉年

九月十六日

庚寅

勒保奏言前據通南等處稟報

李彬股匪會合王冉餘孽由陝竄來已過巴州

兩河口當卽移兵截剿維時聞該匪等有向聞

蒼之勢是以將官兵從老林撤出向西南取道

進剿初一日行抵百丈關探聞分股之賊二三

百人已竄至蒼溪縣屬之東河順河而下直達

剿平三省邪匪方略

一

保寧沿河而上卽係蒼溪縣城均逼近嘉陵江

岸臣卽督兵直趨東河前隊官兵於初二日趕

上賊匪殺賊四五十名生擒戰手李三元等二

十七名餘匪四散逃竄時該匪大衆屯紮石馬

場因剿散之賊奔回報臣該匪卽由石馬場連

夜折回原路東竄我兵踉蹌緊躡初三四五等

日由九龍場旣子壩陰林山元灘子南壩場等

處追擊沿途殲斃賊匪十餘名至三二十名不

等逃出附近難民朱老九王陳氏等男婦七十

六名口皆隨時釋放現據探報該匪向青崗波

楊栢河一帶東竄已折入通江地界途次接到

七十五知會該提督將湯劉等逆連次痛剿後

官兵跟蹤追躡於燈籠坪地方遇有另股零匪

在彼滋擾七十五帶兵衝擊斬獲多名生擒賊

剿平三省邪匪方略

二

首王國賢之弟王惲明卽行正法餘匪分路奔

逃維時湯劉股匪已入太平七十五據報奉節

縣屬黑樓門一帶有賊卽帶兵由達州新寧轉

回正向夔州進發行至開縣適有苟文明樊人

傑股匪由城口老林竄出開縣至譚家灣滋擾

七十五得信卽於八月初八日發隊派令副都

統銜侍衛武隆阿參將鄭啟貴馮元遊擊閻俊

烈等各帶兵勇分路進剿七十五帶領副將張
良槐都司田中貴等隨後策應武隆阿等趕至
溫湯井地方有賊匪千餘人由山上吶喊而下
我兵仰面迎敵兵丁龍明華生擒督陣騎馬賊
目苟文明一名餘匪奔潰斃賊二百餘名生擒
一百五十六名餘匪四竄又七里坪東壩溪一
帶竄出賊匪一股鄭啟貴等帶領兵勇追擊殺
賊一百二三十名兵丁黃應德擒獲騎馬賊一
名衆賊捨命來撲閻俊烈等當先衝擊鎗箭齊
發賊卽大潰直追至石埡子一帶沿途又殺斃
五六十名馮元等之兵適由走馬嶺趕至賊匪
率衆抵拒軍功千總王斌中矛陣亡我兵奮勇
攻擊賊始敗退追至三寶山又復擒戮三百餘
人當將生擒男婦內訊出老掌櫃向思順係苟

文明師祖又苟文明之弟苟文太堂叔苟子儒
親孫苟勇兒並苟文太之妻張氏鮮大川之母
周氏妻胡氏子鮮明海偽總兵苟文懷之妻王
氏大頭領羅克俊劉詠舒總旗手李昌龍十二
名口現在解送達州監禁聽候審辦又訊有被
脅難民景之修胡周氏等三百一十一名口遞交
開縣就近省釋其餘戰手卽行正法等語其所
擒送逆屬賊目人等業經解到達州臣現飭達
州總理永寧道陳預審訊具報察核辦理又據
總兵穆克登布豐紳等稟報該鎮等奉經畧派
令追剿王山張奇劉學書等股匪自陝來川於
八月初七日在水溪河紮營探得該匪屯紮在
開縣之滿月槽有六七百人穆克登布等卽帶
兵趕往斃賊二百餘人餘匪竄去有百餘人躲

入岩硯穆克登布等當令兵勇圍住拋入火彈
賊匪衝出硯口均被官兵擒殺查穆克登布所
報劉學青餘匪本與湯劉二逆合夥是此時所
竄大竹梁山墊江之賊卽係此起無疑該境均
係川東腹地肅清已及一年百姓俱經復業茲
復有賊氛猝至恐又被蹂躪裹脅况與下游江
岸相近關係甚重臣遠在川北通南一帶相距
川東甚遠七十五已向大寧一路追剿荷樊等
逆相距亦遠惟查太平羅紋壩一路前派託雲
泰帶兵駐劄防護運道近因託雲泰不能得力
改委田朝貴前往更換該處距達州較近臣現
飛札田朝貴先帶此項兵勇星夜趕赴大竹梁
山墊江一路兜剿務令顧住江防但查該匪於
八月二十七八等日已竄至大竹臣於九月初

五日得信卽日札知田朝貴計該鎮接札馳抵
大竹已隔二十餘日且所帶兵單設不能卽時
剿滅又無別路官兵接濟因思李彬股匪已截
回通江境內距腹地漸遠候補道劉清現帶總
勇在通江馬家寨防堵經畧額勒登保駐劄西
鄉邊境策應各路之兵均與李彬股匪相近臣
權其緩急咨報額勒登保并札飭劉清將李彬
股匪就近截剿臣卽日率領阿哈保薛大烈等
帶兵連夜兼程馳赴大竹一路策應田朝貴之
兵併力合剿以期早清腹地再據探報高家營
餘匪二三百人亦已入陝與齊家營合夥在卦
子山一帶游奕並據永明節次稟報已由沔寧
取道會同陝省防兵向卦子山一路相機進剿
至刻下川北賊股除李彬等一起之外僅存魏

逆剩有二三百人竄九角山現據通江縣稟報在該縣之松坪碑壩一帶仍係沿邊老林此時臣因大竹梁山墊江等處腹地有賊不得不先其所急一俟肅清卽當馳回川北剿辦至湯劉股匪本係交七十五專剿業據連次得獲勝仗詎該逆等竄入大平後七十五輒因奉節報有賊信遂舍此而顧彼以致殘匪無兵跟追復聖諭纂錄卷七 七 行肆竄令七十五追剿苟文明等股匪似又得手臣現札致該提督務必將苟逆等匪一手辦竣勿致再留餘孽

同日陸有仁奏言各股零匪在邊境逃竄經署額勒登保因高見奇魏棒棒股匪尙在寧羌廣元一帶卽親統大兵由西鄉移至南鄭邊界向西督剿臣昨馳赴軍營面商定議先行肅清川

北卽可由西北兜至東至南恭贊德楞泰復自東南繞截而進將各股餘匪悉行逼東於一二百里之內則兵力愈厚而羣匪盡入網羅維時剿撫兼施卽可尅期完竣并據面述龍紹周一股經德楞泰節次殲擒解散僅存二三百人苟文明一股經七十五節次剿殺所剩亦不及千人又張世龍張添倫等合夥餘匪經穆克登布痛加殲洗只存六七百人竄至西鄉之魯家壩一帶已派副都統格布舍副將楊芳應元寬馳往迎剿日內卽可得手又安康洵陽平利零星餘匪現今穆克登布馳往隨處搜剿並有喜明汪啟胡定泰富蘭九十等在沿邊沿江一帶分堵惟在川之劉湖選湯思蛟一股有零匪數股與之附合現在尙有三三千人不日德楞泰機盡

龍道殘匪卽當殺師剿辦而川陝邊界之高魏等股餘匪人數尚有千餘總在老林一帶奔竄額勒登保擬卽督同楊遇春向黃官嶺梅子壩等處馳赴寧羌週江邊界隨地相機迎擊務期一鼓殲除至善以事宜移駐提督及安插鄉勇撫卹難民數太前因長麟奏請將提督移駐漢中已奉

聖旨前因長麟奏請將提督移駐

九

旨交軍機大臣議覆今以陝安鎮移設固原並漢中協改設陝安之處再行會議具奏見經畧業經商及容再與長麟悉心籌議奏

聞日鄉勇一項所應急籌安插者祇在日久隨征之勇誠如

聖諭惟有酌給絕產叛產而入營伍二者爲長久之計現在陝省查出絕產叛產共有四百餘分每

分多者可分給十數人少者亦可分給二三人除酌給無業難民外卽可安頓隨征鄉勇加以挑補兵丁缺額並派充夫役壯丁似已足敷安插此外隨時雇募防守之勇本有家室恒業似毋庸另籌安頓至撫恤難民爲守土者第一要務臣惟有督率地方官隨時體察悉心妥辦務使窮簷共沐安全仰副

聖旨前因長麟奏請將提督移駐

十

聖主軫念民依至意現在各路糧餉供支無誤茲仰荷

天恩俯准截留甘餉二十萬兩已飭藩司遵照截

留解至漢中應用均奏入

上命軍機大臣傳諭勒保曰前此勒保剿辦高魏股匪所剩無多因聞李彬在川北竄擾卽舍高魏而剿李彬及馳回川北並未與李彬接仗又復稱

湯劉股匪緊要起往川東似此東奔西逐總未痛剿一次辦竣一股豈不徒疲兵力此時勒保旣已帶兵趕赴川東惟當堅持定見督飭官兵將川東之賊迅速辦竣再酌量移師他處以次肅清倘遲至冬令必將以山內冰雪凜滑爲辭且轉瞬卽屆明春賊匪又將到處掠食尙復成何事體卽李彬股匪雖據勒保稱交劉清截剿但劉清係屬文員且該逆聞知勒保統領大隊官兵前往川東或復思乘間折回劉清所帶鄉勇無多未必卽能攔截或又竄近江岸豈勒保聞信復將由川東馳回川北乎現已降旨令經畧額勒登保迅速派員帶兵前往剿辦並著勒保飛行咨催將李彬一股尅日剿竣勿任蔓延至七十五一路剿辦苟文明等股匪殲斃多名並擊獲首逆家屬所辦尙好所有生

擒賊目苟文太之兵丁龍明華著加恩以把總拔補擒獲賊目向思順之兵丁黃應德著加恩以千總拔補以示鼓勵其殺賊陣亡之千總王斌著咨部賜卹又據奏湯劉股匪本係七十五專剿嗣因奉節報有賊信遂舍此而顧彼以致殘匪無兵跟追等語勒保旣知七十五舍湯劉而剿苟樊股匪爲非是何以伊亦舍李彬而剿湯劉等逆豈責人則明而責己則昏乎此時七十五追剿苟文明等股匪據稱得手勒保務當上緊飭催剿淨以便騰出兵力另剿他股至魏逆一股零星賊匪雖爲數無多但無官兵剿辦豈不又滋裹脅現已諭令額勒登保酌量撥兵剿辦矣至七十五一路擊獲之向思順苟文太苟子儒苟勇兒等十二名口其應行正法者審明後卽在該處正法示衆

上命軍機大臣傳諭陸有仁曰據陸有仁奏與額勒登保面商軍務善後各事宜已降旨諭令額勒登保分派兵勇由西北向東南上緊剿辦以期迅速集事其善後事宜如移駐提督及安插鄉勇撫卹難民各大端陸有仁當詳細熟籌斟酌妥善與長麟等會議具奏不可草率至糧餉一節陝省賊匪不多征兵愈少供支較易現在又有截留甘餉二十萬兩更可無虞缺乏此時軍務將竣陸有仁惟當加倍奮勉經理無誤方為妥善

聖朝聖訓編覽

三

上又命軍機大臣傳諭額勒登保曰勒保奏大竹梁山墊江一帶有湯劉等逆竄近馳往川東剿辦將現剿之李彬一股咨報額勒登保並札飭劉清就近截剿等語李彬一股本由川北竄近嘉陵江經勒保帶兵截剿又從通江折回為數尚有千餘匪

應上緊剿除勒保業往川東其川北一帶現無大員在彼督辦劉清究屬文員帶領鄉勇無多恐不能堵截額勒登保現駐西鄉邊境相距通江不遠著卽派委得力鎮將酌帶兵勇速赴該處與劉清併力截剿又魏逆一股止剩二三百人在通江之松坪碑壩一帶竄匿勒保因往川東無人跟剿雖為數無多而一經搶掠裹脅漸成入股將來又必向無兵處突出滋擾額勒登保均當派員往剿緊顧川北一帶不可任其游奕此時各股賊匪以額勒登保等屢次所奏賊數合之節次擒斬數目統計現在不及萬人不過在川陝楚邊界藏匿額勒登保自應通盤籌畫現有幾股賊匪卽派幾路官兵截剿毋論在川在陝不分畛域上緊剿辦此時額勒登保德楞額保錫遇壽七十五穆克登布

聖朝聖訓編覽

古

等應各帶一軍分占地面俾賊匪窮竄之處均有兵力截剿自無難尅日厥功若似此漫無把握轉瞬卽屆冬令又將以冰雪凝滑爲辭延至明春則賊匪有食可掠隨處飽颺辦理又形棘手矣又陸有仁奏稱與額勒登保面商先肅清川北額勒登保由西北兜至東南德楞泰自東南繞截而進將各股餘匪悉行圍逼於一二百里內盡入網羅所見甚是

聖訓

主

見甚是不可徒託空言當計日以待捷音之至

二十日甲午額勒登保奏言臣因高見奇魏棒棒

姚馨佐等股賊匪竄入寧羌飛飭慶成慶溥永

明等趕緊截剿一面督師由龍池場前進據慶

溥永明等報稱該匪由梨坪竄入陝境後分爲

兩股一由西流河竄至大小沙河一由高寨子

竄入縣家壩俱係寧羌地界慶溥永明等帶領

聖訓

去

官兵由寬川舖柏林驛前往迎剿該匪聞風折竄由卦子山常家壩向南奔逃慶成帶兵由牟家壩高臺寺趕至銅廠維時慶溥帶兵在板蒼壩永明帶兵由羅家壩分投攔截正在知會進剿詎連日秋雨不止深山中霧氣迷漫賊匪蓄意竄向西北遂分爲數股每股或數百人或百餘人晝則隱匿箐林夜則零星出沒實爲狡詭異常臣率同楊遇春等由鍾家溝彭壩法慈院進抵牟家壩據慶成呈報賊匪連日分路衝突營卡均因截堵嚴密未得竄過初六日各匪由碓窩坪竄至鐵爐壩慶成帶兵探路進剿初七日趕抵元壩子探聞賊匪竄出竹壩子該處北通沔縣大路關係緊要慶成一面令副將多隆武遊擊和什布等帶領兵勇趕竹壩子趕緊攔

截一面帶兵於元壩子附近山林搜捕是日多
隆武趕到竹壩子果有賊匪自乾溝河竄出該
副將等帶領兵勇由土木垭趕剿斬戮數十人
賊匪竄入老林恃險抗拒山坡陡滑艱於仰攻
天色已晚後隊之兵安設營卡將前敵禦賊官
兵徐徐捲撤乃賊匪於大雨密霧中由上下壓
捨命衝突我軍併力回戰雨中倉卒不能施放
鎗礮弁兵鄉勇傷亡數十名幸營卡官兵奮力
出敵賊始敗退慶成聞信飛速帶兵於次日趕
到策應該匪仍於乾溝河紙坊壩老林奔竄
臣
於初十日甫抵黃官嶺據已革總兵德忠差人
飛報有賊匪數百人攻撲白岩河卡隘
臣
即挑
派兵勇令楊遇春前往接應該匪一見兵到紛
紛奔逃德忠亦即帶兵出卡隨同楊遇春等沿

聖朝聖鑒事

七

山追剿殺斃六七百人滾崖跌斃數十人時已
昏黑霧雨不止未能深追賊衆向廟壩一路竄
去拏獲活賊夏文德等二十一名供係高見奇
魏棒棒姚馨佐併各股打散零星合夥有二千
餘人因處處皆遇官兵實在不能過去訊明後
均即正法次日賊匪竄至廟壩該處有遊擊常
祿防堵帶兵出擊鎗礮斃賊十餘名搜獲五名
賊匪即旁竄陳家溝向鐵爐壩桃園寺而去已
屬南江地界查桃園寺有路可通巫山垭梅子
壩亦係東北要路
臣
現已由梅子壩馳抵巫山
垭緊過北面並飛飭慶溥永明等帶兵於梨坪
城牆岩顧住西面攔截慶成即由乾溝河廟壩
一帶尋蹤追擊將該匪驅向東南
臣
即於巫山
垭取路截擊以期得手再
臣
月前進抵太平壩

聖朝聖鑒事

八

內曾派令格布舍副將楊芳應元寬等帶領兵勇三千餘名由白沙河一帶探剿川境賊匪格布舍楊芳等由太平進抵開縣地界_臣於龍池場接據稟報有賊匪一股約千數人未知係何首逆由太平竄向西鄉之魯家岩有出九真壩之勢當卽飛飭格布舍楊芳等帶領原兵取道九真壩迎頭截擊相距已遠所有剿辦情形日內尚未據報至穆克登布豐紳桑吉斯塔爾自帶兵由高頭壩翻界嶺一帶進發二十五日行抵南溪縣一帶探有小股賊匪在陽坡屯聚穆克登布等恐該匪聞風遠颺卽令官兵潛行紮住並挑撥精勁鄉勇二百餘人假扮教匪令千總胡國安帶領乘夜混入賊羣穆克登布豐紳桑吉斯塔爾於四更時各帶官兵分路前進

剿辦逆裔羣盜

九

明時將抵賊匪屯紮之處遙見千總胡國安順溝率衆而進賊匪猝不及備立被鄉勇斬獲數十名賊匪向山梁四散奔逃穆克登布豐紳桑吉斯塔爾等齊帶兵由林中突出共殺賊二百餘人生擒五十三人僅剩百十人向六道河班鳩關遁去獲犯李如明等訊係白號苟文明衝散餘匪有頭目廖世學魏瓊已經逃去等供隨卽將李如明等正法次日穆克登布等復帶兵勇由六道河趕往班鳩關將該匪等追及我兵分路抄進將廖世學生擒其魏瓊及餘黨一百三四十名全行殲戮淨盡據穆克登布等稟報前來_臣當卽發給銀牌銀鏢分賞出力兵勇又據喜明柯滿百祥稟報安康平利一帶均有零匪二三百名竄擾該鎮等挑帶兵勇探剿殺賊

剿辦逆裔羣盜

十

二三十名不等查此等零星匪大率楚境被剿折
回之賊^臣並仿穆克登布等擇其緊要者先行
剿辦總當合力剿淨一股再辦一股以期次第
殄滅現在高魏等股賊匪已入川界既未得竄
向西北辦理尙不甚棘手^臣仍留慶溥德忠於
此一帶嚴密堵截緊顧陝境西北^臣卽率同楊
遇春慶成及侍衛將領等上緊分頭剿辦若日
內天時晴霽則此等殘敗游魂不難一鼓集事
再此次高見奇魏棒棒姚馨佐等股賊匪由梨
坪竄入寧羌境內^臣以寧羌一帶本係慶溥帶
兵防堵何以又任該匪竄越當經飛行飭查茲
據慶溥報稱梨坪卡隘係守備孫奉朝帶領兵
勇二百餘名防堵賊匪係由城牆岩竄出城牆
岩距梨坪三十餘里原係扼要之地因陡壁尖

峯不能安設營卡是以只於梨坪卡內派撥兵
勇四十餘名在彼輪流瞭哨賊匪乘夜攀援上
山將瞭哨兵勇衝散傷亡二十餘人賊衆卽接
踵而至該守備聞信率勇前往賊匪業經竄過
因賊衆勇單未敢深追等語查高魏等股匪蓄
意竄陝因各營卡防守嚴密輒於陡壁無路設
兵不多之處乘夜竄越該守備於夜間不及策
應又因衆寡不敵未能追剿尙屬實情但該守
備倚恃險要不能先事確探嚴堵其疎防之咎
亦所難辭^臣現已將該守備孫奉朝摘去頂戴
重責飭令勉力自贖慶溥駐防之處距城牆岩
有二百餘里一聞賊匪竄入之信卽帶兵趕赴
板蒼壩鐵嶺關一帶將該匪截回未任闖入西
北功過尙屬相抵應懇

聖恩免其查叅奏入

上命軍機大臣傳諭額勒登保曰此次高見奇魏棒姚馨佐等股欲由梨坪竄出寧羌沔縣等處叠經官兵併力攔堵將該匪等截回南江不致蔓延惟賊匪竄入老林時尙敢恃險抗拒由上下壓拏命衝突看此情形何曾十分窮蹙茲當功屆垂成之際尤應認真剿辦不可以賊勢已衰稍存忽視

聖祖聖訓

三

此時額勒登保已帶兵前往川北一帶剿捕該處尙有李彬等股分竄勒保現已馳赴川東無人剿辦額勒登保統兵赴川既可緊躡高魏賊蹤並可兼顧李彬股匪惟賊股雖已截回川境仍恐其乘間折回目前陝境防堵最關緊要慶成係陝省提督大員自應在陝境堵剿不必令其入川此後陝省邊界一切防堵事宜卽責成慶成慶成督率德

忠實力防禦如餘匪復行竄近陝境慶成等務卽悉力截回倘任彼闖入則惟慶成等是問至額勒登保入川已遠其陝省防堵遇有應奏情形卽著慶成隨時具奏無須呈報經畧轉致稽遲至穆克登布等於界嶺帶兵進發將荷文明股內分竄賊日廖世學等生擒並將餘黨全數殲戮所辦尙好此一路兵力正可騰出如陝境內尙有零星潛匿夥黨卽著穆克登布等帶兵搜捕以淨根株至孫奉朝防堵寧羌邊境自應扼要守險據稱因陡壁尖峯不能安設營卡僅留數十兵丁瞭望該處既可留駐兵勇安有不能紮卡之理且地勢如果陡峻賊匪又何能陟險飛度乎可見該弁竟係疎於設備僅摘頂戴不足示懲孫奉朝著革職作爲兵丁留於軍營効力贖罪至慶成防堵之處相距